



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil 29-iyul

08-191-son

Ўзбекистон Республикасининг 2021 йил 22 апрелдаги “Давлат харидлари тўғрисида”ги ЎРҚ-684-сон Қонуни ижросини таъминлаш тўғрисида

Ўзбекистон Республикасининг 2021 йил 22 апрелдаги “Давлат харидлари тўғрисида”ги ЎРҚ-684-сон Қонуни ижросини таъминлаш мақсадида

Б У Ю Р А М А Н:

1. Ўзбекистон Республикасининг 2021 йил 22 апрелдаги “Давлат харидлари тўғрисида”ги ЎРҚ-684-сон Қонуни (кейинги ўринларда – Қонун) маълумот ва ижро учун қабул қилинсин.

2. Қонун билан:

а) Ўзбекистон Республикасининг 2018 йил 9 апрелда қабул қилинган “Давлат харидлари тўғрисида”ги ЎРҚ-472-сон Қонуни ўз кучини йўқотган деб топилганлиги;

б) харид қилиш тартиб-таомилларини амалга ошириш турлари электрон дўкон, бошланғич нархни пасайтириш учун ўтказиладиган аукцион, энг яхши таклифларни танлаш, тендер, тўғридан-тўғри шартномалар бўйича амалга ошириладиган давлат харидларидан иборат этиб белгиланганлиги;

в) давлат буюртмачиси:

харид қилиш тартиб-таомили турини танлаш тўғрисида қарор қабул қилиши;

қонун ҳужжатларида белгиланган тартибда давлат харидларини амалга ошириши;

давлат харидлари тўғрисидаги ахборотни қонун ҳужжатларида белгиланган тартибда ва муддатларда махсус ахборот порталига жойлаштириши;

харид қилиш тартиб-таомиллари иштирокчиларининг товарлар (ишлар, хизматлар) ва давлат харидларининг тартиб-таомиллари билан боғлиқ

сўровлари бўйича уларга қонун ҳужжатларига мувофиқ тушунтиришлари бериши;

харид қилиш тартиб-таомилларининг ғолиб деб топилган иштирокчилари билан шартномалар тузиши, шунингдек уларнинг ижро этилишини таъминлаши;

бўлажак давлат харидлари тўғрисидаги эълонларни фақат молиялаштириш манбалар ва миқдорлари мавжудлиги тасдиқланган тақдирдагина махсус ахборот порталига ва бошқа оммавий ахборот воситаларига жойлаштириши шарт этиб белгиланганлиги инобатга олинсин.

3. Харидлар бўлими (Б.Кучканов) ва Бухгалтерия (М.Парпиев) давлат харидларини амалга оширишда Қонун талабларига катъий риоя этилишини таъминласин.

4. Фуқаролик ҳуқуқи (Н.Имомов), Бизнес ҳуқуқи (Х.Раджапов), Маъмурий ва молия ҳуқуқи (С.Юсупов) кафедралари Қонундан ўқув жараёнида фойдаланиш бўйича зарур чораларни кўрсин.

5. Мазкур буйруқ ижросини назорат қилиш молия-иқтисод ишлари бўйича проректор А.Иминов зиммасига юклансин.

Ректор в.в.б.

И.Рустамбеков



Лойиҳа киритди:

Харидлар бўлими бошлиғи

Б.Кучканов

Келишилди:

Молия-иқтисод ишлари бўйича
проректор

А. Иминов

Бош бухгалтер

М. Парпиев

Юридик бюро юрисконсульти

Д. Алибоев